

Piginnaasanik pigisaqalernissamut ilinniartitaanerit aamma misilitsinnerit akuerisaasut

Inuit piginnaasanik pigisaqalernissamut misilitsinnerni naammassinnissimasut aamma angusisimasut, inuttut namminnek akuersissummik pigisaqalernissaminnik innaallagialerinnermut tunngatillugu qinnuteqaateqarsinnaapput, tak. nalunaarummi § 8, piumasagaatit allat naammassineqarsimappata:

- 1) Installatåri (AK) innaallagialaq sakkortuumik sarfalik.
- 2) Elingenør.
- 3) Maskinmesteri Styrelsen for Videregående Institutioner og Uddannelsesstøttes regler [*Ingerlatsiviit ingerlaqqiffiusut aamma Ilinniagaqarnerisuteqarnermi maleruaqqusat pillugit aqutsisoqarfik*] maleruaqqusai naapertorlugit
- 4) Professionsbachelor sakkutuut imarsiortutut aqutsisut aamma tekniki.
- 5) Seniorofficer (maskiinaqarfimmi pisortaq imaluunniit umiarsuarmi pisortaq).
- 6) Imaani uuliasiorfinni teknikimut aqutsisoq, ilinniarneq 2008-imi aasakkut imaluunniit kingusinnerusukkut naammassineqarsimappat.
- 7) Elinstallatøri Ilinniartitaanermut ministereqarfiup ilinniartitaanerit ingerlaqqiffiusut pillugu maleruaqqusai innaallagissamut sakkortuumik sarfalimmut tunngatillugu.
- 8) Elektroinstallatøritut misilitsinneq 1952-imeersoq (Misilitsinneq kingullerpaamik ingerlanneqarpoq 1988/89 ukiuunerani).
- 9) Annertusisamik maskinmesteritut misilitsinneq (Misilitsinneq kingullerpaamik ingerlanneqarpoq april 1991).
- 10) Misilitsinnerit allat akuerisaasut misilitsinnermi normu 1-imi taaneqartumi minnerpaamik imaqtartut aamma piginnaasanik pigisaqalernissamut naliliinermik.

Tamakku saniatigut inuttut nammineq akuersissummik pigisaqalernissamut piumasagaataavoq qinnuteqaateqartup akuersissummik pigisaqalernissamut misilitsinneq akuerisaasoq angusiffigisimassagaa.

Tamatuma saniatigut elingeniøri inuttut nammineq akuersissummik pigisaqalerniaruni ilinniarnerni atillugu fagini makkunani ilinniartinneqarsimassaaq:

- 1) Ikkussugassanik innaallagiatortunik suliaqarneq aamma ingerlatsineq.
- 2) Ikkussugassat innaallagiatortut annertussusissaannik aalajangiineq taakkununga ilanngullugit tavlit atortuilu.
- 3) Pilersuinnermut tunngasumik atuagarsorneq.
- 4) Atortut innaallagissamut sakkortuumut tunngasut.

Innaallagialiornermut Oqartussat imm. 1-imit 3-mut ilinniarnissamut piumasagaatit pinngitsoorneqarnissaat immikkut akuersissutigisinnaavaat, innaallagissamut tunngatillugu isumannaallisaanermut tamanna isumanngitsutut igineqarpat.

Innaallagiartortunik sammisumik suliffeqarfimmik ingerlatsineq

Akuersissummik pigisaqartup tamatigut isumagissavaa suliasat maleruaqqusat atuuttut tunngavigalugit suliasat suliarineqartarnissaat.

Suliffeqarfiit akuersissummik pigisaqartut suliasanik sulisunit atorfeqartitanit suliarititsisartut, taakkua suliasamik suliaqarnissaminut piginnaaneqarnissaat akisussaaffigaat. Inuup nammineq inuttut akuersissummik pigisaqartup sulisut taakkua ilitsersussavai aamma tamatuma kingornatigut nakkutigissallugu, suliasat maleruaqqusat atuuttut tunngavigalugu suliarineqarnerat.

Illoqarfiup, suliffeqarfiup nalunaarsorsimaffigisaata avataani suliat suliarineqartut minnerpaamik qaammammut ataasiarluni takusarneqartassapput, imaluunniit sumiiffimmi tassani sulisumit tatigineqartumit pisinnaatitsissummik peqartumik aqqunneqarlutik.

Inuup inuttut nammineq akuersissummik pigisaqartup suliasanut aalajangersimasunut imaluunniit akisussaaffeqarfinnut, ilitsersuinnermut aamma nakkutilliinnermut akisussaaffik sulisunut allamut appasinnerusumik inissisimasunut isumagitissinnaavaa, imaappat sulisut taakkua akuersissummik pigisaqartup aqutsisutut piginnaatitaaneranut ilaallutik, soorlu suliffeqarfiup pitsaassutsimik nakkutilliinnermut atortuani aalajangersarneqarsimasutut. Allamut isumagititsinissaq pereerpat taava isumaginnittussatut peqquneqartup akisussaaffigilissavaa isumaginnittussatut allassimasut tunngavigalugit.

Suliffeqarfiup qulakkiissavaa allanut isumagititsisunngorneq pissasoq, suliffeqarfik nunap immikkoortuini assigiinngitsuni arlalinni inissisimappat immikkoortortaqrarfiit imaluunniit ingerlatsiviit immikkoortinneqarsimallutik, kiisalu sumiiffinni taakkunani ataasiakkaani inummik inuttut nammineq akuersissummik pigisaqartumik sulisoqanngippat.

Suliffeqarfiup aamma inuup inuttut akuersissummik pigisaqartup akisussaaffigaat, sulisup akisussaaffimmit tunineqartup taamaaliornissaminut piginnaasaqarnissaa, tassa isumaginnittussanngortitaanerup malitsigisaanik.

Allamut isumaginnittussanngortitsinermik isumaqatigiissut allaganngorneqassaaq aamma inummit inuttut nammineq akisussaaffimmit pigisaqartumit, sulisumit isumaginnittussanngortitsineqartumit aammattaaq suliffeqarfimmit piginnittumit imaluunniit tassani pisortamit. Allanngorlugu isumaginnittussanngortitsinermi tamatigut makkua ilanngunneqarsimassapput:

- 1) akisussaaffimmi pineqartumi killiussat, soorlu assersuutigalugu piffissamut tunngatillugu, suliassanut aalajangersimasunut, sumiiffik nunami sumiinnersoq imaluunniit suliffeqarfiup aaqqissuussaananeranut naleqqiussilluni immikkoortitsisimaneranut tunngatillugu,
- 2) akisussaaffiup qanoq annertussuseqarnera pisussaaffinnut tunngatillugu, soorlu assersuutigalugu ilitersuineq, nakkutilliineq imaluunniit suliassanik inuttalersuineq,
- 3) sulisup (isumaginnittussatut pisussaalersup) suliffeqarfiup aaqqissuussaananerani qanoq inissisimanagera aammattaaq sulisut allat inissisimanagerat suliassanik isumaginnittussanngortinneqartup akisussaaffigisaaniittut (soorlu assersuutigalugu aqutsisutut pisinnaatitaaffiat),
- 4) sulisup pisinnaatitaanerisinnaagai suliaqarnermi kukkunernik iluarsiinissamut atatillugu imaluunniit oqartussaasunit peqqussuteqarnernut tunngatillugu,
- 5) pisinnaatitaajunnarnerit suunersut aamma qanoq annertutiginerat, soorlu assersuutigalugit isumaqatigiissuteqarnernut tunngatillugu,
- 6) inummut inuttut nammineq akuersissummik pigisaqartumut nalunaarusiortarnissaata annertussusia aamma qanoq iluseqarnera.

Paasissutissani allannguut sunaluunniit suliffeqarfimmut imaluunniit inummut inuttut nammineq akuersissummik pigisaqartumut tunngasut ingerlaannartumik Innaallagissiornermut Oqartussanut nalunaarutigineqassapput.

Inuup inuttut nammineq akuersissummik pigisaqartup sulianut nalunaaruteqarnermut imaluunniit akisussaaffimmut tunngasut tigussanngilai, taakkua inunnit suliffeqarfimmi atorfeqartinneqanngitsunik suliarineqarsimappata.

Inuup inuttut nammineq akuersissummik pigisaqartup sulianut nalunaaruteqarnermut imaluunniit akisussaaffimmut tunngasut tigussanngilai, taakkua inunnit akuersissummik pigisaqartup aqutsisutut pisinnaatitaanerani ilaanngitsunik suliarineqarsimappata, tassa taakkua suliffeqarfiup pitsaassutsimik qulakkeerinninnermut atortuanit soorlu aalajangerneqarsimasut.

Taamaattorli ikkussuilluni suliaqarnek, tassani akuersissummik pigisaqartup suliffeqarfimmik allamik akuersissummik pigisaqartumik, suliaqarnermi sullissisutut suliassanik suliaqartitsinerani tamanna ilanngunneqassanngilaq.

Taamatutaaq imatut pisoqartillugu, tassani elinstallatøri akuersissummik pigisaqartoq suliamik naammassinagu suliaqartillugu tamanna ilanngunneqassanngilaq, taamaattoqartillugu ikkussorneqartut piginnittuata (atuisup) elinstallatørimut allamut suliarineqartoq inaarneqartillugu, taamaattumik ikkussuilluni suliaqarnek tamakkerlugu akisussaaffigissammagu.

Innaallagissamik nioqquteqartoq taamatut pisoqartillugu tamatigut pissutsinut tunngatillugu ilisimatinneqassaaq, kiisalu ilanngussineq nutaaq nassiunneqassaaq.

Inuup nammineq inuttut akuersissummik pigisaqartup sulinerani aamma akisussaaffeqarnerani pissutsini allannguutit tamarmik imaluunniit pissutsit allat, akuersissummik pigisaqalernerumut piumasqaataasimasuni ingerlaannartumik Innaallagialiornermut Oqartussanut nalunaarutigineqassapput.

Innaallagissamik ikkussuineramik inuussutissarsiummik ingerlatsinermut attuumassuteqanngitsumik suliaqarneq

Tulliuttut inuup inuttut nammineq akuersissummik killilikkamik pigisaqartumut atuupput, tassa suliffeqarfimmi innaallagissamik suliaqarnermik pingaarnertut suliarinnittanngitsumi:

Inuk inuttut nammineq akuersissummik pigisaqartoq suliamut tunngatillugu imatut inissisimassaaq, tassa pineqartoq aalajangersimasumik suliffeqarfiup innaallagissamik ikkussuineramik suliarisartagaannik nakkutilliisassaaq, kiisalu suliffeqarfiup sumiiffigisaani nalunaarutigineqarsimasumi naapinneqarsinnaassalluni. Allannguut sunaluunniit tamatumunnga tunngasoq aammattaaq telefonip normua tassunga attuumassuteqartoq ilanngullugu, piaartumik Innaallagissiornermut Oqartussanut nalunaarutigineqassapput.

Inuup inuttut nammineq akuersissummik pigisaqartup suliffeqarfimmut tunngatillugu suliaqarnerani aamma akisussaaffeqarnerani allannguutit suulluunniit nalunaarutigineqartassapput - aamma Innaallagissiornermut Oqartussanit akuersissutigineqartassallutik.

Ilisarnaatit suliffeqarfinnut taamatuttaarlu inunnut akuersissummik pigisaqalernerumut atatillugu tunniunneqartarput.

Kalaallit Nunaannut ilisarnaat - akuersissutip suuneranut ilisarnaat - tulleriarinermi normu

Akuersissummik pigisaqalernermi ilisarnaatit		
Inuttut nammineq	Suliffeqarfik	Sumiiffik/nassuiaat
1	7	Innaallagissamik nioqquteqartoq
2	5	Tamakkiisumik akuersissut Kalaallit Nunaanni najugalik
	4	Pisartagaqartut
3	6	Killilimmik akuersissut Kalaallit Nunaanni najugalik
8	9	Piffissamut aamma suliniummut akuersissut killilerneqartoq